


集異門足論

才八

三百五十七  
同八

50299



阿毗達磨集異門足論卷第八

同

尊者舍利子說

三藏法師

玄奘奉

詔譯

四法品第五之三

以若造有損害無損害身語意行則積集增長有損害無損害法若不造有損害無損害身語意行則不積集增長有損害無損害法則感得有損害無損害自體若不積集增長有損害無損害自體若不感得有損害無損害自體則生有損害無損害世間若不感得有損害無損害自體則不生有損害無損害世間若生有損害無損害世間



則觸有損害無損害觸若不生有損害無損  
害世間則不觸有損害無損害觸若觸有損  
害無損害觸則受有損害無損害受若不觸  
有損害無損害觸則不受有損害無損害受  
由此應言是故我說彼諸有情隨自造業是  
名黑白黑白異熟業者謂此業是善不善感  
可愛非可愛異熟云何不黑不白無異熟業  
能盡諸業答如世尊為持俱脰牛戒補刺拏  
說圓滿當知若能盡黑黑異熟業思若能盡  
白白異熟業思若能盡黑白黑白異熟業思  
是名不黑不白無異熟業能盡諸業此中不  
黑者謂此業非如不善業由不可意黑說名

爲黑故名不黑不白者謂此業非如有漏善業由可意白說名爲白故名不白無異熟者謂此業非如前三業能感異熟故名無異熟業能盡諸業者謂此業是學思能趣損減所以者何謂若學思能趣損減於前三業能盡等盡徧盡永盡隨得永盡於此義中意說名業能盡諸業由此故說不黑不白無異熟業能盡諸業

四法受者一有法受能感現樂後苦異熟二有法受能感現苦後樂異熟三有法受能感現苦後苦異熟四有法受能感現樂後樂異熟云何法受能感現樂後苦異熟答如世尊

說苾芻當知如有一類補特伽羅與喜樂俱  
害生命不與取欲邪行虛誑語離間語麁惡  
語雜穢語貪欲瞋恚邪見被害生命廣說乃  
至邪見為緣得喜得樂如是種類身樂心樂  
是不善不善類究竟攝受能障通慧能障等  
覺能障涅槃是名法受能感現樂後苦異熟  
云何法受能感現苦後樂異熟荅如世尊說  
苾芻當知如有一類補特伽羅與憂苦俱離  
害生命離不與取離欲邪行離虛誑語離離  
間語離麁惡語離雜穢語無貪無瞋正見彼  
離害生命廣說乃至正見為緣得憂得苦如  
是種類身苦心苦是善善類究竟攝受能引

通慧能證等覺能得涅槃是名法受能感現  
苦後樂異熟云何法受能感現苦後苦異熟  
荅如世尊說苾芻當知如有一類補特伽羅  
與憂苦俱害生命不與取欲邪行虛誑語離  
間語麁惡語雜穢語貪欲瞋恚邪見彼害生  
命廣說乃至邪見爲緣得憂得苦如是種類  
身苦心苦是不善不善類究竟攝受能障通  
慧能障等覺能障涅槃是名法受能感現苦  
後苦異熟云何法受能感現樂後樂異熟荅  
如世尊說苾芻當知如有一類補特伽羅與  
喜樂俱離害生命離不與取離欲邪行離虛  
誑語離離間語離麁惡語離雜穢語無貪無

瞋正見彼離害生命廣說乃至正見爲緣得  
喜得樂如是種類身樂心樂是善善類究竟  
攝受能引通慧能證等覺能得涅槃是名法  
受能感現樂後樂異熟

四軛者一欲軛二有軛三見軛四無明軛云  
何欲軛荅如世尊說苾芻當知有諸愚夫無  
聞異生於欲集沒味患出離不如實知彼於  
欲集沒味患出離不如實知故於諸欲中所  
有欲貪欲欲親欲愛欲樂欲悶欲耽欲嗜  
欲喜欲藏欲隨欲著纏壓於心是名欲軛云  
何有軛荅如世尊說苾芻當知有諸愚夫無  
聞異生於有集沒味患出離不如實知彼於



有集沒味患出離不如實知故於諸有中所  
有有貪有欲有親有愛有樂有悶有耽有嗜  
有喜有藏有隨有著纏壓於心是名有軛云  
何見軛荅如世尊說苾芻當知有諸愚夫無  
聞異生於見集沒味患出離不如實知彼於  
見集沒味患出離不如實知故於諸見中所  
有見貪見欲見親見愛見樂見悶見耽見嗜  
見喜見藏見隨見著纏壓於心是名見軛云  
何無明軛荅如世尊說苾芻當知有諸愚夫  
無聞異生於六觸處集沒味患出離不如實  
知彼於六觸處集沒味患出離不如實知故  
於六觸處所有執著無明無智隨眠隨增是

名無明軛如世尊說

有情與欲軛

有見軛相應

愚癡爲上首

於生死流住

四離繫者一於欲軛離繫二於有軛離繫三

於見軛離繫四於無明軛離繫云何於欲軛

離繫答如世尊說苾芻當知有多聞聖弟子

於欲集沒味患出離能如實知彼於欲集沒

味患出離如實知故於諸欲中所有欲貪欲

欲欲親欲愛欲樂欲悶欲耽欲嗜欲喜欲蔽

欲隨欲著不纏壓心是名於欲軛離繫云何

於有軛離繫答如世尊說苾芻當知有多聞

聖弟子於有集沒味患出離能如實知彼於

有集沒味患出離如實知故於諸有中所有  
有貪有欲有親有愛有樂有悶有耽有嗜有  
喜有藏有隨有著不纏壓心是名於有軛離  
繫云何於見軛離繫答如世尊說苾芻當知  
有多聞聖弟子於見集沒味患出離能如實  
知彼於見集沒味患出離如實知故於諸見  
中所有見貪見欲見親見愛見樂見悶見耽  
見嗜見喜見藏見隨見著不纏壓心是名於  
見軛離繫云何於無明軛離繫答如世尊說  
苾芻當知有多聞聖弟子於六觸處集沒味  
患出離能如實知彼於六觸處集沒味患出  
離如實知故於六觸處所有執著無明無智

不纏壓心是名於無明。軛離繫如世尊說。

若斷欲有軛。及超越見軛。遠離無明軛。

便得安隱樂。彼於現法中。證得永寂滅。

遠離一切軛。必不往後有。

四瀑流者一欲瀑流二有瀑流三見瀑流四

無明瀑流云何欲瀑流。答除欲界繫諸見無

明諸餘欲界繫結縛隨眠隨煩惱纏是名欲

瀑流云何有瀑流。答除色無色界繫諸見無

明諸餘色無色界繫結縛隨眠隨煩惱纏是

名欲瀑流云何見瀑流。答謂五見一有身見

二邊執見二邪見四見取五戒禁取如是五

見名見瀑流云何無明瀑流。答三見無智是

名無明瀑流

四取者一欲取二見取三戒禁取四我語取  
去何欲取若除欲界繫諸見及戒禁取諸餘  
欲界繫結縛隨眠隨煩惱纏是名欲取去何  
見取若謂四見一有身見二邊執見三邪見  
四見取如是四見合名見取去何戒禁取若  
如有一類於戒執取謂執此戒能清淨能解  
脫能出離能超苦樂至超苦樂邊或於戒執  
取謂執此戒能清淨能解脫能出離能超苦  
樂至超苦樂邊或於戒禁俱執取謂執此戒  
禁俱能清淨能解脫能出離能超苦樂至超  
苦樂邊是名戒禁取去何我語取若除色無

色界繫諸見及戒禁取諸餘色無色界繫結  
縛隨眠隨煩惱纏是名我語取

四身繫者一貪身繫二瞋身繫三戒禁取身  
繫四此實執取身繫云何貪身繫答貪者謂  
於欲境諸貪等貪廣說乃至貪類貪生是名  
為貪身繫者謂此貪未斷未徧知於彼彼有  
情彼彼身彼彼聚彼彼所得自體為因為緣  
繫等繫各別繫相連相續方得久住如巧鬘  
師或彼弟子聚華置前以長縷結作種種鬘  
此華用縷為因為緣結等結各別結相連相  
續方得成鬘此貪亦亦未斷未徧知於彼彼  
有情彼彼身彼彼聚彼彼所得自體為因為

緣繫等繫各別繫相連相續乃得久住是名  
身繫云何瞋身繫答瞋者謂於有情欲為損  
害廣說乃至現為過患是名為瞋身繫者如  
前說云何戒禁取身繫答戒禁取及身繫俱  
如前說云何此實執取身繫答此實執取者  
謂或有執我及世間常此實餘癡妄或復有  
執我及世間無常此實餘癡妄或復有執我  
及世間亦常亦無常此實餘癡妄或復有執  
我及世間非常非無常此實餘癡妄或復有  
執我及世間有邊此實餘癡妄或復有執我  
及世間無邊此實餘癡妄或復有執我及世  
間亦有邊亦無邊此實餘癡妄或復有執我

及世間非有邊非無邊此實餘癡妄或復有  
執命者即身此實餘癡妄或復有執命者異  
身此實餘癡妄或復有執如來死後有此實  
餘癡妄或復有執如來死後非有此實餘癡  
妄或復有執如來死後亦有非有此實餘  
癡妄或復有執如來死後非有非有此實  
餘癡妄如是等多此實執取身繫者謂此實  
執取未斷未遍知於彼彼有情等如前廣說  
是名身繫

第四盟陀南曰

四四法有十

謂大種食住

愛不應行問

施攝生自體



有四大種四食四識任四愛四不應行而行  
四記問四種施四攝事四生四得自體

四大種者一地界二水界三火界四風界此  
四廣如法蘊論六界中說

四食者一段食或麤或細二觸食三意思食  
四識食去何段食或麤或細若段為緣能

令諸根長養大種增益又能滋潤隨滋潤充  
悅隨充悅護隨護轉隨轉持隨持是名段食  
去何施設段食麤細荅依所資養有情大小  
及段漸次施設麤細其事如何荅如燈祇羅  
獸等所食為麤尼民祇羅獸等所食為細尼  
民祇羅獸等所食為麤泥弥獸等所食為細

漏彌獸等所食為麀龜鼈魚等所食為細龜  
鼈魚等所食為麀餘水生蟲所食為細復次  
象馬牛等所食為麀羊鹿猪等所食為細羊  
鹿猪等所食為麀野干狗等所食為細野干  
狗等所食為麀鴈孔雀等所食為細鴈孔雀  
等所食為麀餘陸生蟲所食為細復次若諸  
有情食諸草木枝條葉等彼食是麀若諸有  
情食飯粥等彼食是細若諸有情食飯粥等  
彼食是麀若諸有情食酥油等彼食是細復  
次若諸有情以口紫舌撮取段食用嚼咀嚼  
而吞食之彼食是麀若諸有情在胎卵中段  
食津液從齋而入資養其身彼食是細復次

若諸有情食有便穢彼食是麁若諸有情食  
無便穢彼食是細如有食香蘇陀味等雖有  
所食而無便穢如是施設段食麁細云何觸  
食荅若有漏觸為緣能令諸根長養大種增  
益又能滋潤隨滋潤乃至持隨持是名觸食  
其事如何荅如鵝鴈孔雀鸚鵡鵠春鸚離  
黃命命鳥等既生卵已時時親附時時覆育  
時時溫煖令生樂觸若彼諸鳥於所生卵不  
時時親附覆育溫煖令生樂觸卵便腐壞若  
彼諸鳥於所生卵時時親附覆育溫煖令生  
樂觸卵不腐壞如是等類說名觸食云何意  
思食荅若有漏思為緣能令諸根長養大種

增益又能滋潤隨滋潤乃至持隨持是名意思食其事如何答如魚龜鼈室首摩羅部盧迦等出至陸地生諸卵已細沙覆之復還入水若彼諸卵思母不忘便不腐壞若彼諸卵不思念母即便腐壞如是等類名意思食云何識食答若有漏識為緣能令諸根長養大種增益又能滋潤隨滋潤乃至持隨持是名識食其事如何答如世尊教頗勒窣那記經中說頗勒窣那當知識食能令當來後有生起如是等類說名識食

四識住者一色識住二受識住三想識住四行識住云何色識住答若色有漏隨順諸取

於彼諸色若過去若未來若現在或生起欲  
或貪或瞋或癡或隨一一心所隨煩惱是名  
色識任受想行識任廣說亦尔

四愛者一有苾芻苾芻尼等因衣服愛應生  
時生應任時任應執時執二有苾芻苾芻尼  
等因飲食愛應生時生應任時任應執時執  
三有苾芻苾芻尼等因卧具愛應生時生應  
任時任應執時執四有苾芻苾芻尼等因有  
無有愛應生時生應任時任應執時執云何  
苾芻苾芻尼等因衣服愛應生時生應任時  
任應執時執荅此中衣服者謂毛所成或扇  
那所成或芻摩所成或麻所成或建鼓羅所

成或絲所成或綿所成或氎所成或憍結娑  
所成或突婁羅所成或阿遮爛陀所成又衣  
服者謂揔覆衣上著衣內服衣單裙複裙單  
掩腋複掩腋於如是等種種衣服諸貪等貪  
執藏防護堅著染愛是名苾芻苾芻尼等因  
衣服愛應生時生應住時住應執時執云何  
苾芻苾芻尼等因飲食愛應生時生應住時  
住應執時執答此中飲食者謂五種應噉五  
種應食五種應噉者一根二莖三葉四花五  
菓五種應食者一飯二粥三餅麩四魚肉五  
羹臠於如是等種種飲食諸貪等貪執藏防  
護堅著染愛是名苾芻苾芻尼等因飲食愛



復有一類作是念言願我死後五蘊斷滅於有  
無有諸貪等貪執蔽防護堅著染愛是名苾  
芻苾芻尼等因有無有愛應生時生應住時  
住應執時執

四不應行而行者一貪欲故不應行而行二  
瞋恚故不應行而行三愚癡故不應行而行  
四怖畏故不應行而行云何貪欲故不應行  
而行答如有一類或親教師或軌範師或同  
親教或同軌範或隨一一往還親友於僧衆  
中有諍事起彼作是念若與師等共為朋黨  
便墮非法若與師等不為朋黨便墮不義雖  
作是念而為貪欲所蔽伏故起惡身語是名



貪欲故不應行而行云何瞋恚故不應行而行  
行荅如有一類有怨嫌者於僧衆中有諍事  
起彼作是念若助怨嫌於情不可若受乖反  
於理有違雖作是念而爲瞋恚所蔽伏故起  
惡身語是名瞋恚故不應行而行云何愚癡  
故不應行而行荅如有一類稟性闇鈍或親  
教師或軌範師或同親教或同軌範或隨一  
一往還親友於僧衆中有諍事起彼作是念  
我今不知是非好惡但應朋助親教師等彼  
爲愚癡所蔽伏故起惡身語是名愚癡故不  
應行而行云何怖畏故不應行而行荅如有  
一類或國王親友或大臣親友或強賊親友

於僧衆中有諍事起彼作是念若我不助有  
勢力者由是因緣或失名利或失衣鉢或失  
身命是故我今定應朋助有勢力者彼由怖  
畏所蔽伏故起惡身語是名怖畏故不應行  
而行如世尊說

諸有貪瞋癡

怖故違法者

彼退失名利

猶如黑分月

四記問者一應一向記問二應分別記問三  
應反詰記問四應捨置記問云何應一向記  
問荅若有問言世尊是如來阿羅漢正等覺  
明行圓滿善逝世間解無上丈夫調御士天  
人師佛薄伽梵耶佛所說法是善說現見無

熱應時引導近觀智者內證耶佛弟子衆具  
足妙行質直行如理行法隨法行和敬行隨  
法行耶苦集滅道是聖諦耶一切行無常耶  
一切法無我耶涅槃寂靜耶如是等問有無  
量門應一向記卅尊是如來阿羅漢廣說乃  
至涅槃是寂靜等是名應一向記問何故此  
問應一向記答以於此問若一向記能引義  
利能引善法能引梵行能發通慧能生等覺  
能證涅槃故於此問應一向記云何應分別  
記問答若有問言云何爲法得此問時應分  
別記法有多種或過去或未來或現在或善  
或不善或無記或欲界繫或色界繫或無色

界繫或學或無學或非學非無學或見所斷  
或修所斷或非所斷如是等法有無量門應  
分別記是名應分別記問何故此問應分別  
記答以於此問若分別記能引義利能引善  
法能引梵行能發通慧能生等覺能證涅槃  
故於此問應分別記云何應反詰記問答若  
有問言為我記說法得此問時應反詰記法  
有多種汝問何法為過去為未來為現在為  
善為不善為無記為欲界繫為色界繫為無  
色界繫為學為無學為非學非無學為見所  
斷為修所斷為非所斷如是等法有無量門  
應反詰記是名應反詰記問何故此問應反

詰記荅以於此問若反詰記能引義利能引  
善法能引梵行能發通慧能生等覺能證涅槃  
故於此問應反詰記云何應捨置記問荅  
若有問言世間常耶無常耶亦常亦無常耶  
非常非無常耶世間有邊耶無邊耶亦有邊  
亦無邊耶非有邊非無邊耶命者即身耶命  
者異身耶如來死後有耶非有耶亦有亦非  
有耶非有非非有耶於如是等不應理問應  
捨置記謂應記言佛說此問是不應記常無  
常等不應理故是名應捨置記問何故此問  
應捨置記荅以於此問若捨置記能引義利  
能引善法能引梵行能發通慧能生等覺能

證涅槃故於此問應捨置記如世尊說

初應一向記 次應分別記 三應反詰記

四應捨置記 於如是四問 知次而記者

引義利善法 及梵行純淨 甚深難降伏

知義非義俱 捨非義取義 審觀名智者

四種施者一者有施施者清淨受者不清淨

二者有施受者清淨施者不清淨三者有施

施者受者俱清淨四者有施施者受者俱不

清淨云何有施施者清淨受者不清淨答如

世尊說苾芻當知若有施主具淨戒住律儀

有依見有果見依如是見說如是言決定有

施有果異熟能受施者不具淨戒不住律儀

無依見無果見依如是見說如是言決定無  
施無果異熟是名有施施者清淨受者不清  
淨何故此施施者清淨受者不清淨答諸支  
分諸資糧施者應修集彼支分彼資糧施者  
成就諸支分諸資糧受者應修集彼支分彼  
資糧受者不成就故此施施者清淨受者  
不清淨云何有施受者清淨施者不清淨答  
如世尊說苾芻當知若有施主不具淨戒不  
任律儀無依見無果見依如是見說如是言  
決定無施無果異熟能受施者具淨戒任律  
儀有依見有果見依如是見說如是言決定  
有施有果異熟是名有施受者清淨施者不

清淨何故此施受者清淨施者不清淨若諸  
支分諸資糧施者應修集彼支分彼資糧施  
者不成就諸支分諸資糧受者應修集彼支  
分彼資糧受者成就是故此施受者清淨施  
者不清淨云何有施施者受者俱清淨若如  
世尊說苾芻當知若有施者具淨戒任律儀  
有依見有果見依如是見說如是言決定有  
施有果異熟能受施者亦具淨戒任律儀有  
依見有果見依如是見說如是言決定有施  
有果異熟是名有施施者受者俱清淨何故  
此施施者受者俱清淨若諸支分諸資糧施  
者應修集彼支分彼資糧施者成就諸支分



諸資糧受者應集彼支分彼資糧受者亦成  
就是故此施施者受者俱清淨云何有施施  
者受者俱不清淨答如世尊說苾芻當知若  
有施者不具淨戒不住律儀無依見無果見  
依如是見說如是言決定無施無果異熟能  
受施者亦不具淨戒不住律儀無依見無果  
見依如是見說如是言決定無施無果異熟  
是名有施施者受者俱不清淨何故此施施  
者受者俱不清淨答諸支分諸資糧施者應  
修集彼支分彼資糧施者不成就諸支分諸  
資糧受者應修集彼支分彼資糧受者亦不  
成就是故此施施者受者俱不清淨如世尊說

具戒施缺戒	清淨而證法	信業果異熟
是唯施者淨	缺戒施具戒	不淨引非法
謗業果異熟	是唯受者淨	缺戒施缺戒
不淨引非法	謗業果異熟	我說無大果
具戒施具戒	清淨而證法	信業果異熟
我說有大果	信業果異熟	施自所尊重
父母僮僕等	智者咸稱讚	身語意無著
行苾芻妙行	不来自富貴	而能廣施他
諸有已離欲	施已離欲者	我說如是施
財施中最尊		

說一切有部集異門足論卷第八

同

壓押音瀑流下報蒲策反子委咀上才略亦

鸚鵡二衢欲音離黃上正温煥下煖腐父音窶其

反鼓時世砧知林突窶上徒骨反反複音腋亦音

餅鈔尺下正作赴羹臙下呼各反反龕苦含廳牙

毳然毼音綵上他敢反机堯

下都鄧反上居矣反評音之然反呼角反反龕苦含



